

驗あるに淫して、専ら之に依て行ふ時は、却て大なる惑となる者なり、棄べく棄べからざるの間、人よく之を戒むべし。

〔唐六典十四大卜署〕凡式占辨三式之同異

一曰雷。公式。二曰太乙。式。並禁私家畜。三曰六壬。式。士庶通用之。

凡用式之法

周禮太史抱天時與太師同車鄭司農云抱式以知天時也今其局以楓木爲天棗心爲地刻十二辰下布十二辰以加占爲常以月將加卜時視日辰陰陽以立四課一曰日之陽二曰日之陰三曰辰之陽四曰辰之陰四課之中察其五行取相尅者三傳爲用又辨十二將十二月神十二將以天一爲首前一日騰蛇二朱雀三六合四勾陳五青龍後一日天后二太陰三玄武四太常五白獸六天空前盡於五後盡於六天一立中爲十二將又有十二月之神正月登明二月天魁三月從魁四月傳送五月小吉六月勝先七月太卜八月天閏九月太衝十月功曹十一月大吉十二月神后凡陰陽雜占吉凶悔吝其類有九決萬民之猶豫一曰嫁娶二曰生產三曰曆注四曰屋宅五曰祿命六曰拜官七曰祠祭八曰發病九曰殯葬○中略

皆辨其象數通其消息所以定吉凶焉

〔武備志百六十九占〕太乙

茅子曰術家之言紛然也六經所不道也而祖之者必曰先秦先秦之時六經之道殺而爲百家各以其術迎之迎之合于道則其言驗言驗則傳傳而最著者三家曰太乙曰六壬曰奇門太乙奇門皆謂出于齊之先公留之始侯然無所考至六壬則范少伯之書詳哉言之以今之法逆而衡其斷不爽也然則謂非先秦之言不可也太乙者其理該合于曆家之說故言三家者又必以太乙爲統然太乙之言九卽洛書之九也其曰主客大將參將始擊之類皆因兵而命名然借兵以喻五行非借五行以喻